

STRATEGAETH BUDDSODDI ADDYSG CAERDYDD 2024 - 2033

DOGFEN HAWDD EI DARLLEN

Cynigion i Sefydlu mwy o Lefydd Ysgol Arbennig i Ddysgwyr
ag Awtistiaeth/Anghenion Cyfathrebu Cymdeithasol

9 CHWEFROR 2026 – 26 MAWRTH 2026



Beth yw'r newidiadau arfaethedig?

Mae Cyngor Caerdydd eisiau cynyddu nifer y lleoedd arbenigol ar gyfer plant a phobl ifanc rhwng 4 a 19 oed sydd ag Awtistiaeth/Anghenion Cyfathrebu Cymdeithasol (ACC).

Gallai plant a phobl ifanc sydd ag Awtistiaeth/Anghenion Cyfathrebu Cymdeithasol fod ag amrywiaeth o broblemau a chyfuniad o anghenion. Gallai'r rhain gynnwys anghenion sy'n ymwneud â rhyngweithiadau cymdeithasol neu eu hamgylchedd gyda'r prif rwystr yn gyfathrebu a rhyngweithio.

www.caerdydd.gov.uk



STRONGER
FAIRER
GREENER



Beth mae'r Cyngor eisiau ei wneud?

Nod y Cyngor yw:

Sefydlu Canolfannau Adnoddau Arbenigol Newydd (CAAau) yn:

- **Ysgol Gynradd Hywel Dda** - sefydlu Canolfan Adnoddau Arbenigol Awtistiaeth a Chyfathrebu Cymdeithasol newydd ag 20 lle o fis Ionawr 2027. Byddai'r ganolfan yn darparu 10 lle yn 2026/27 gyda chwmpas i ymestyn i 20 lle yn 2028/29.
- **Ysgol Gynradd Radnor** - sefydlu Canolfan Adnoddau Arbenigol Awtistiaeth/Anghenion Cyfathrebu Cymdeithasol cyfrwng Saesneg â 30 lle o fis Ionawr 2027. Byddai'r ganolfan yn darparu 10 lle yn 2026/27, 20 lle yn 2027/28 a 30 lle yn 2028/29.
- **Ysgol Glan Morfa** - sefydlu Canolfan Adnoddau Arbenigol i Awtistiaeth/Cyfathrebu Cymdeithasol cyfrwng Cymraeg â 10 lle o fis Ionawr 2027.
- **Ysgol Uwchradd Fitzalan** - sefydlu Canolfan Adnoddau Arbenigol Awtistiaeth/Anghenion Cyfathrebu Cymdeithasol cyfrwng Saesneg â 42 lle o fis Ionawr 2027.
- **Ysgol Gyfun Gymraeg Bro Edern** - sefydlu Canolfan Adnoddau Arbenigol Awtistiaeth/Anghenion Cyfathrebu Cymdeithasol cyfrwng Cymraeg â 10 lle o fis Medi 2027.

Gallwch ddod o hyd i fanylion am y cynigion hyn yn y ddogfen ymgynghori yn [Darpariaethau Anghenion Dysgu Ychwanegol \(ADY\)](#)

Pam mae angen y newidiadau hyn?

- Mae nifer y plant ag Awtistiaeth/Anghenion Cyfathrebu Cymdeithasol yng Nghaerdydd wedi tyfu
- Nid oes digon o leoedd arbenigol yn ysgolion Caerdydd.
- Mae'n rhaid i rai plant fynd i ysgolion y tu allan i Gaerdydd, sy'n gallu golygu teithiau hirach ac sy'n costio llawer o arian i'r Cyngor
- Bydd mwy o leoedd lleol yn helpu plant i aros yn nes i'w cartrefi a bod yn rhan o'u cymuned
- Mae Caerdydd eisiau sicrhau bod pob plentyn yn cael y gefnogaeth gywir, yn yr ysgol iawn, ar yr adeg iawn

Beth yw Canolfan Adnoddau Arbenigol?

Mae Canolfan Adnoddau Arbenigol yn:

- Ddosbarth arbenigol bach mewn ysgol brif ffrwd
- Dan arweiniad athrawon a staff hyfforddedig
- Lle lle gall dysgwyr gael help ychwanegol, tra'n dal i fod yn rhan o gymuned ysgol brif ffrwd
- Gofod diogel, cefnogol gyda grwpiau bach, lefelau staffio uwch, a mynediad at therapïau

Beth yw Ysgol Arbennig?

Ysgolion arbennig:

- Yn cefnogi plant sydd â'r lefelau angen uchaf
- Dosbarthiadau bach a staff arbenigol
- Darparu therapïau, ystafelloedd synhwyraidd, offer wedi'u haddasu a dysgu wedi'i bersonoli
- Helpu disgyblion i ddatblygu annibyniaeth a sgiliau bywyd pwysig

Manteision y cynigion

- Bydd mwy o blant yn cael y cymorth arbenigol sydd ei hangen arnynt yng Nghaerdydd
- Bydd llai o blant yn gorfod teithio pellteroedd hirach
- Gall y Cyngor wario llai ar leoliadau annibynnol drud
- Mae'n defnyddio gofod sbâr mewn adeiladau ysgol
- Gall teuluoedd deimlo'n fwy hyderus bod eu plant yn dysgu yn y lle gorau iddyn nhw

Anfanteision posibl

- Efallai y bydd mwy o draffig y tu allan i'r ysgol ar yr adegau gollwng a chasglu
- Gall symud i adeilad ysgol newydd deimlo'n bryderus i rai disgyblion
- Efallai y bydd gwaith adeiladu yn achosi rhywfaint o darfu, ond bydd y Cyngor yn gweithio i gadw hyn i'r lleiafswm

Cefnogaeth i blant

Mae gan bob dysgwr mewn Canolfannau Adnoddau Arbenigol neu ysgolion arbennig Gynllun Datblygu Unigol (CDU).

Bydd ysgolion yn parhau i gefnogi pob dysgwr gydag:

- Anghenion Dysgu Ychwanegol
- Saesneg fel Iaith Ychwanegol
- Rhai sydd yn gymwys i gael Prydau Ysgol Am Ddim
- Cefndiroedd Ethnig Leiafrifol

Does dim tystiolaeth y bydd y cynigion yn effeithio'n negyddol ar y dysgwyr hyn.

Teithio i'r ysgol

- Bydd y Cyngor yn parhau i ddarparu cludiant ysgol am ddim i ddysgwyr sy'n gymwys
- Gallai mwy o leoedd lleol olygu teithiau byrrach i rai plant
- Bydd gan bob ysgol ardaloedd gollwng a chasglu diogel

Staff Ysgol

- Byddai gan ysgolion prif ffrwd lai o ddisgyblion ac angen llai o staff
- Bydd swyddi yn cael eu creu yn y ddarpariaeth arbenigol newydd.
- Bydd cyfleoedd i staff presennol ymgymryd â rolau newydd

Sut i ddweud eich dweud

Mae'r Cyngor am wybod eich barn chi.

Gallwch roi eich barn drwy:

- Ymuno â sesiwn galw heibio wyneb yn wyneb. Nid oes angen i chi archebu ymlaen llaw ar gyfer y sesiynau hyn. Dim ond mynd i'r lleoliad ar y dyddiad a'r amser a bennir
- Ymuno â sesiwn galw heibio ar-lein. Cysylltwch â ni drwy e-bostio ymatebionysgolion@caerdydd.gov.uk i gadarnhau pa sesiwn yr hoffech chi fynd iddi a byddwn yn anfon dolen atoch ynghyd â chyfarwyddiadau ar sut i fynd i'r cyfarfod hwn. Drwy e-bostio ymatebionysgolion@caerdydd.gov.uk
- Mynychu'r cyfarfod cyhoeddus wyneb yn wyneb. Cysylltwch â ni drwy e-bostio ymatebionysgolion@caerdydd.gov.uk a byddwn yn ymateb i gadarnhau'r trefniadau. Drwy e-bostio ymatebionysgolion@caerdydd.gov.uk
- Llenwi'r ffurflen ar-lein (dolen yn y ddogfen lawn).
- E-bost: ymatebionysgolion@caerdydd.gov.uk
- Ysgrifennu at: Cynllunio Trefniadaeth Ysgolion, Ystafell 463, Neuadd y Sir, Caerdydd CF10 4UW

Mae dyddiadau'r sesiynau galw heibio a'r cyfarfod cyhoeddus wedi eu nodi isod:

Natur yr ymgynghoriad	Dyddiad/Amser	Lleoliad
Sesiwn galw heibio	Dydd Iau 19 Chwefror 2026 9:30am - 11:30am	Hyb Llanisien
Sesiwn galw heibio	Dydd Gwener 27 Chwefror 2026 10:30am -12:30pm	Hyb Trelái a Chaerau
Sesiwn galw heibio	Dydd Gwener 6 Mawrth 2026 11:30am - 1:30pm	Hyb STAR
Sesiwn galw heibio	Dydd Llun 9 Mawrth 2026 12 noon - 2pm	Canolfan Ddiwylliant a'r Cyfryngau Loudon
Sesiwn galw heibio	Dydd Mercher 18 Mawrth 2026 11am - 1pm	Hyb Llaneirwg
Sesiwn galw heibio ar-lein	Dydd Mercher 18 Chwefror 2026 12 noon - 1pm	Teams
Sesiwn galw heibio ar-lein	Dydd Llun 23 Chwefror 2026 1pm - 2pm	Teams
Sesiwn galw heibio ar-lein	Dydd Mawrth 24 Chwefror 2026 2pm - 3pm	Teams
Sesiwn galw heibio ar-lein	Dydd Llun 2 Mawrth 2026 5pm - 6pm	Teams
Sesiwn galw heibio ar-lein	Dydd Gwener 13 Mawrth 2026 12:30pm - 1:30pm	Teams
Cyfarfod cyhoeddus (wyneb yn wyneb)	Dydd Iau 19 Mawrth 2026 5:30pm - 6:30pm	Y Llyfrgell Ganolog

Mae'r ymgynghoriad yn cael ei gynnal rhwng 9 Chwefror a 26 Mawrth 2026

Ni ellir ystyried ymatebion a ddaw i law ar ôl y dyddiad hwn.

Beth fydd yn digwydd nesaf

- Ar ôl i'r ymgynghoriad ddod i ben, bydd adroddiad yn mynd i Gabinet y Cyngor.
- Os cytunir arno, bydd Hysbysiadau Statudol yn cael eu cyhoeddi fel y gall pobl wneud gwrthwynebiadau ffurfiol.
- Bydd penderfyniad terfynol yn cael ei wneud ym mis Medi 2026.